

محمد سـعـفـان

وحلمت خير

أشعار بالعامية المصرية

الطبعة الأولى يناير 2018

بطاقة الكتاب

عنوان المؤلف : وحلمت خير
المؤلف : محمد سغان
التصنيف : أشعار بالعامية المصرية
رقم الإيداع : 2563-2018
عدد الصفحات : صفحة
رقم الإصدار الداخلي : 115
تاريخ الإصدار الداخلي : يناير 2018 الطبعة الأولى
الإشراف العام : الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202

E-mail: alnile waalforat@yahoo.com

twitter: النيل والفرات

youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣



الإهداء

إلى إمي

هاتم محمد سغان

التي تحملت ما لم يتحملة بشر

إلى أبي

عبد الرحمن سغان

الذي لم ينظر إلى الدنيا نظرة المقبل عليها

فخرج منها كما دخلها

محمد سغان

وحلمت خير

حلمت والله خير
وخذت الحلم في حضني
ومشيت وانا با اجري
ماهو حلمي
مش عايز معجزة تجرا
ولا عايز حد يسا عدني
ماهو حلمي علي قدي
واما سنين العمر اتسرسبت مني
لقيت الحلم تاه مني
دخلت جوا يا
ادور علي شئ باقي من حلمي

ما لقيت ش غير صورة
كانت ساعا ت بتفرحني
وساعا ت بتا لمني
عشت وياها
يمكن تكون بذرة
ترجع من تاني حلمي
ماهو حلمي علي قدي
محمد سعفان
لما كنا صغيرين
انا واخواتي جنبي
وابويا شاييل الحمل عني
والاه لما اقولها
امي تخذها مني
كانت الدنيا ماشيها بينا

مرة حلوة ومرة مرة
بس مش عا رف ليه ساعتها
كنت حاسس ان عمري
قد عمري الف مرة
كان ليا حلم قد سني
عا يش جوه مني
عمري ما شفته
طالع يتمشي بره

أمي

سنين عدت بيا من بعدك

لا شوفيني ولا شوفتك

لكن ما في لحظة سبتيني ولا سبتك

نبض القلب اسمك

كل صوت بينا ديني صوتك

وانا سامعك

امي..

انت الحنان والحنان انتي

بعد منك تبقي ايه قيمتي

لكن بيسعدني....

اللي يشوفني يقول انتي

اصل صورتك
تشبه كثير صورتي
انتي شجرة وانا فرعك
لما كان حضنك في حضني
ما كنتش اعرف
دق قلبك من دق قلبي
كان حنانك كل لحظة
يزيد يا امي
زي ما بيزيد في عمري
انتي فرحي
وشايلة همي
النها ردة قالوا عيدك
هو انا كنت في يوم نسيتهك
دا انتي جنبني

وسا كنة قلبي

مهما كان بعدك يا امي

محمد سعفان

لو عود اخضر نبت جواك

حتلاقي طرحك خلاك

ما شي في الدنيا ملاك

يعني حترجع للفطرة

سبحان من سواك

لو تقدر تمشي وهدومك سيعاك

ربك حيسا عدك وينجح مسعاك

ارضك حتشيلك وحتعلي ف سماك

يعني حترجع للفطرة

سبحان من سواك

لو فكرك حيعمر وينور جواك

ولا يبقاش حلمك علي قد هواك

يعني تشارك اهلك وياك

سا عتها حترجع للفطرة.....

سبحان من سواك

لو تزرع في الأرض أساسك

لو تزرع في الارض اساسك

وتعيش مع ناسك

يتشكل احساسك

وتعمر كل الارض با ايديك

ولا يبقاش غيرك سيدك

ماهو انت يا مخلوق

الخالق حباك

وخلا الكل في ايديك

لكن انت يا مسكين

لساك ماش في هو اك

وبتجرح في اللي معاك

وتسيب اللي يفيدك
لوتزرع في الارض اساسك
وتعيش مع ناسك
يتشكل احساسك

يوم ويوم

لما تتقسم الايام
يوم حلو ويوم مر
تعيش وياها غ الحلو و المر
سا عا ت تخش جواك
وتبقي انت سجان
علي نفسك
وسا عا ت تجري
تعيش جر
وسا عا ت تتوه
لاتبقي طاي ل تكون مسجون
ولا طاي ل تكون حر

ورسمتك

ورسمتك جوه حدودي
وربط وجودك بو جودي
ولقيت احلامك تشبه احلامي
حت ي القا سي من ايا مي
مربوط بوجودي مع وجودك
والبذرة اللي في فجر العمر زرعنها
طرحت.....والطرح
غطي حيا تنا وزكاها
والمركب ماشية ف مجراها
والصورة بتكمل قدا مي
بوجودي مع وجودك

لومات الحلم

لومات حلمك جواك
و العمر اتسرسب قدامك
ومرضيش يستناك
ارجع حبة في ايامك
يمكن تلقى شئ من احلامك
يرضي هواك
ويكمل وياك

إمسك قلم

امسك قلم

واعمل حبة رتوش

تطلع شوارع

تطلع حوارى

تطلع وشوش

تطلع لوحة تفرقع ف السما

تطلع فا شوش

ما انت حلمت الف حلم

وماحققتشوش

أنا إنسان

انا انسان

دمعتي قريبة

ما اعرفش اكون غير كده

وعشان كده

ساعات ضحكتي بتغيب

وساعات قريبة

لكن جوايا احساس رهيب

براحة

لو اتوزعت ع الدنيا

حتقول كفاية كده

فريدة

فريدة الحبيبة

القريبة البعيدة

الحبيبة بنت الحبيبة

مهجة القلب الحفيدة

يارب بارك فيها

واجعلها بفضلك

من طاعتك قريبة

فريدة الحبيبة الحفيدة

محمد حبيبي

اسمك في اسمي

ورسمك في رسمي

وحبك في قلبي

محمد حبيبي

اشوفك بعيني

يرقص كياني

واخذك في حضني

يطرح حناني

ما هو انت حفيدي

ووصلة زماني

عبوده

لما تبص ع النعمه

اشكر المنعم

بيدينا يفرحنا

ويهدينا يريحنا

وان دو منا علي ذكره

يزيد فضلة

ومن فضله علينا بيد ينا

نعمة في كل شئ موجودة

في ضحكة حفيدي عبوده

هنا

لما تتقل الخطوه
وتهدي في السكه
تقولك قوم يا جدو
اشكر النعمه
انا هنا
حلمك امبارح
وفرحتك بكره

لو فضلت الصمت

لو فضلت الصمت

كم حير روح م الوقت

عمري بحاله

ولا حتمشي سنين الكبت

لو فضلت الصمت

وحفيدي سال

ليه ع الظلم سكت

حد يجاوب

اصلي تعبت

لملموا كل الكلام

واقعدوا ويا الحروف

شوفوا مين يقدر

يجاري اللي جاري

ومين يتدارى م الكسوف

اصل مش كل الكلام له معني

ولا كل اللي له عيون بيشوف

الفكر اللي جاري

قليل منه يخضر براري

والغالب بيزكم انوف

تبقي صا حبي وجاري

وليك ف ليلي ونهارك نها ري

ولو اختلفنا

تكيل م التهم الوف

وابقي الجحود وانت اعطوف

بقولك تعالي

تعالوا نخش الحروف

نجمع كلمة

ترص الصفوف

الفكر الضال

بعتروا الفكر جوه العقول
رصوا الكلام وكأنه شئ معقول
وزرعوا بذرة شيطان طرحت
غطت سمانا بالعرض والطول

جرح جديد

جرح جديد
كل يوم شهيد
لإمتي يا وطن
حتنزف ولادك
همه في الجنة
واحنا في العذاب الشديد
من سنة واكثر
قلنا انتهينا
لكن لسة المشوار بعيد
إيه الحكايه
امتى النهايه

نفسی افہم
واکون سعید
لو اکون شہید

هس سمع

هس سمع

اجتماع للمجتمع

اللي ما سمعش يسال اللي سمع

مش عايزين دلع

هس سمع

اجتماع للمجتمع

حنا قش اللي زرع

واللي قلع

حنا قش اللي باع

واللي اشترا

حتي اللي سا بنا وخلع

هسسمع

مش عا يز ين دلع

مانشيت

متقراش الجرنان

اصل العنوان بيقول

القاتل والمقتول

واحد من طنطا

وواحد من بشتول

ودا شئ مش معقول

اصل الارض اللي تشيل

النفس الطاهرة

ما تشليش النفس الكافرة

با اي رسول

إِعب في المضمون

العب في المضمون

لجل ما تظهر ف الصورة

العب في المضمون

والطبلّة معاك حتسمع

حتي لو كانت مكسوره

اصل النغمة الصّح

عمرها ما بتوصل للودن المتهوره

العب في المضمون

لجل ما تظهر ف الصور

خدها صور ه

خدها صور

خدها صورة و حياة ابوك

واكتب ف دفترك

وانت بتصورها ضربوك

عشان صورتك

حتكشف اللي خانوا الوطن

وخانوك

خدها صورة

خدها صورة و حياة ابوك

يبان فيها اللي حاضر واللي تاه

واللي حبه ليها با الكلام

وده اخر منتهاه

خدها صورة

خدها صورة وحياة ابوك

بيان فيها اللي حكم واللي اتحكم

واللي جه يقول كلمة حق اتكتم

خدها صورة

خدها صورة وحياة ابوك

خدها صورة ..ودور ع الوشوش

راح تلاقي وش فالج

وش كالج

وش تالت ما تشوفوش

ودا وش اللي سرقوك

خدها صورة

خدها صورة وحياة ابوك

وحدوا الله

وحدوا الله...

وها تواتر التاريخ نقراه

تعالوا نشوف

مين اللي قال نعم

ومين اللي قال لا

وحدوا الله.

تعالوا نشوف

كام حاكم هتفنا له

وفي الاخر دبحناه

وحدوا الله

عباس الضو قال لا

فرحنا به

صاحب التكتوك

قال لا

دبحناه

الإنسان

لما فجأة وانت ماشي

تلقي ضلك جنب منك

مش معاك

اصل ضلك .ضل عنك

لما فكرك ضل منك

ومشيت تابع هواك

حتي قلبك جوه منك دقه تاه

لما شيطانك جوه منك

صورك الموت حياة

نفسي ادخل جوه قلبك

واقعد حبة جنبك

ادور علي الانسان اللي فيه
يمكن الفا حنة با قية
ارويها با اللي ربك وصا بيه
اصلك انت لما ضلك ضل عنك
كان شيطا نك جوه منك
ساكن جوه قلبك
بس هو الحل عندك
لما كتا ب الله يكون ف قلبك
يبقي ربك .. هو سمعك .. هو بصرك
هو بس اللي يرا عيك
ساعتها تلقى شيطا نك ضل عنك .
ورجع لك الانسان اللي فيك

لو حتسكت

لو حتسكت..

مش حطيق سكوتك

لو حتنطق..

تبقي قررت موتك

لو حتمشي..

اوعي تفرد ضلوعك

اصل الصحاب اللي حن بك

مش بتوعك

قليل منهم يتمني سعدك

وكتير يتمني جوعك

بس بكرة ربك ينصرك

وتفرد قلوبك

الزمن الطيب

لو قلت الزمن الطيب راح

يبقي ظلمت كثير وزرعت جراح

لو قلت الزمن الطيب راح

يبقي خنقت الحلم ف ارض براح

اصل الزمن الطيب

..... طيب

لو صا دف قلب الطيب

يقعد يرتاح

ولو هجر الحب قلوب الناس

يرجع سواح

شمس بکره

لما تطلع شمس بکره

وتسأل عن امبارح

خلوها تسأل

زرع الارض لو طارح

وتعرف مين رمي البذرة

ومين كان ف الهوي سارح

اصل امبارح من النهاردة

والنها ردة من امبارح

حبة سكات

حبة سكات

علي حبة كلام

متلخطين

وصفه سحرية

موجودة عند العطارين

ع الصبح نشربها

اسال مجربها

نفضل طول النهار

تايهين

ان اتكلما

ماحد يسمعا

وان سكتنا
مش عاجبين
وده حالنا
في بلدنا
بعد ثورة
قلبت الموازين

دم غالي

ساقية دايره

والي طالع دم غالي

يروي الارض تطرح هموم

تطرح هموم للعائش

وصاحب الدم في الاعالي

امتي طور الساقية

يفوق لعقله

ولا حد يشد حبله

ولا مرة يدق قلبه

ويعرف ان الدم غالي

نفسه اعرف مين ذا سحبه

ومزوق الصورة ف خياله

سا عتها مش حاصبه

لكن حا اقوم بسحبه

م الكون بحاله

الحلم في أوله

لما يبقى الحلم في أوله

يا خد براحه

واما السنين يطولوا

تكسر جناحه

لما يبقى الحلم في أوله

علي الف صورة با أوله

ابقي شايف

كل الخطوط بتوصله

لكن بعد السنين ما يطولوا

اي كلمة بتلخمة وتكعبلة

عشان كدا

لما حلمك يقابلنا
مد ايديك واحضنه

العطاء

يتا خد وتدي
يا منتش معانا
عشان اما تدي
اشيلك ف اعلي مكانه
احطك في عيني
عشان خاطر بلدنا
وبلدنا امانة
امانة نصونها
ونرمي اللي خانها
وشرد عيالها
وعايش معانا ومش معانا

دا نيلها اللي جاري

يخضر براي

يعمر صحاري

بجهدك وجهدي

نعمر بلدنا

نسيبها لولادنا

في اعلي مكانة

يا تاخذ وتدي

يا منتش معانا

سلفني ثلاثه جنيہ

فليم قديم

قبل التعويم

ساعتها كان الواحد

بيعيش اسرة

وياكل اورطة معازيم

دلوقت لو جت سيرته

نعمل مش سامعين

اصل سيادته

اصبح ما يساوي مليم.

حواري وأزقه

حواري وأزقه

وناس عايضة زقه

وشارع كبير

تاخذ براحها

وتفرد در عاها

ويبان اختراعها

ساعتها تفرق كثير

الدليل

لما تمشي الف ميل

والدليل

ينور سكتك

واحلامك اللي فاتت

ترجع تونس وحدتك

مش حا اكسفك

ما انت عارف

انك قسمتي

وانا قسمتك

إنت ز علت

انت ز علت

انا مش قصدى

انا نفسي

تقوى وتعلى يا وطنى

انت ندهت

وانا لببت وصرخت

حرية عدل

وامان لولادي من بعدي

بس الظاهر ان انا اخطات

لما طاطيت الراس

وسمحت

للي بيسرق واللي بينهب
اللي بيا خد عرقي وجهدي
انا عشت حياتي
كومبارس في تخت
با احلم با المجد لغيري
وانا قاعد تحت
واما صحيت م الحلم
تعبت

دعوة للحب

تعالوا نفتح الببيان
ونخش جوه بعضينا
يمكن نلاقي طاقة امل
تنور طريقنا وتهدينا
اصل احنا مهما اختلفنا
جوا نا شئ بيجمعنا
ان بعد نا يقربنا
وان زعلنا بيرضينا

لو دخلت جواك وطلعت

يا تري فرحت ولا زعلت

اصل انت جواك

حاجات كتير متلخبطة

وحروف كتير مشخبطة

عايشة العمر جواك

من اول ما كتبوا اسمك ع الورق

لحد ما زرعوا جواك القلق

وتهت وتاهت السكة من قدمك

ولقيت وجودك يشبه كتير عدمك

دخلت جواك وطلعت

يا تري زعلت ولا فرحت

الناس في الزمن الصعب

الناس في الزمن الصعب

يحكمها قانون الغاب

الناس في الزمن الصعب

تاهت ع الابواب

الناس في الزمن الصعب

فقدت قدرتها علي اي عتاب

الناس في الزمن الصعب

بتحلم والحلم سر اب

الناس في الزمن الصعب

الصوت العالي فيها كداب

يا حلم ليه بعدك

... يا حلم ليه كده بعدك

انا حلمت كام حلم من بعدك

لا قعدوا معايا

ولا عملوا كدة زيك

لكن مش عارف

ليه انت با اشتاقلك

يمكن عشان عمري من عمرك

ولا عشان مرة رسمتلي صورتك

وقدت قدا مي وشوفتك

يا حلم ليه كده بعدك

يا حلم يا صاحبي

ليه بتجرحني
وانت من وانت
جنين بدأ....تحبي
كنت جوايا
بترسملي صورة بتفرحني
تخدني من نفسي
اكون جنبك
وفي لحظة تنوه مني
واتوه منك
ودا ذنبي ومش ذنبك
يا حلم ليه كده بعدك

إنسان

فيه انسان من الزان

وده طبيعي..

وانسان ما بيبان

غيرلما يصا حبني ف طريقي

اصل الناس ف الدنيا الوان

واحد لونه جكاية

مش واخذ حد ووا

صنفرة كفاية

صابر

تعدى السنين
وتبعد تسافر
يخدني الحنين
اشتاكك يا صابر
اشوفك في حلمي
اشوفك في علمي
اقولك واحشني
مشتاكك يا صابر
وعمرى اللي هاجر

الشهيد

عزيني...

وانت حي

" ولا تحسبن الذين قتلوا في سبيل الله أمواتا بل أحياء عند ربهم يرزقون "

عزيني..

وانت حي ..

وانا ف دنيا الناس ف توهه

وانت في الفردوس مصون

عزيني

وانت حي

راسي اتملت با الظنون

مين معا يا ومين يخون

مين لقيط

شيطان خسيس ملعون

عزيني وانت حي

قبل ما اتصاب بالجنون

عناد قلم

انا ماسك القلم
عايز اكتب ومش قادر
عشان الحروف القانة م العني
وبتهرب مني وتعافر
وتقول مش حتقدر تجمعنا
ولا تقدر تقول معني مهما هتعافر
كتبت حرف والتاني
لقيت الاول بيقولي استني
هو انت مش داري
واخد في وشك
بتتكفي وتملي بتسافر

مع ان القطر له وقفه
وانت بتجري وتعافر

مصر

قبل م تنطق اسمها سمي

رب الكون زكاها

خلا الخير جواها

واللي داخلها

يا من شر الناس وياها

مصر دي بلدي

امصر ابويا وامي

قبل ماتطق اسمها سمي

اقرا تاريخها

اعرف ناسها

تلقني اساسها

اساس الدنيا بحالها
والتي ظلمها عمره ما حس جمالها
ولا قال نيلها بيجري ف دمي
قبل ما تنطق اسمها سمي

لما كانت ساكته مصر

والعالم ما لوش وجود

كنتي فاردة

دراعتك ياشاطرة

وبترسمي سكة خلود

من ساعتها

وانتي صالبة

ان انكسر عود

يتولد الف عود

اصلك يوم ما اتخلقتي

اتخلقتي للخلود

مصر هو اسمك

نيك جوه جسمك
هودك في العروق
علي الارض
شفت رسمك
قبل الدنيا
ما تعرف شروق
النار في ارضك
صنعت حضارة
اول بذرة غرثه ولدك
طرحت وجود
اصلك يوم ما اتخلقتي
اتخلقتي للخلود
مصر اسمك منارة
في التاريخ اول عبارة

لما كانت الناس
في كوخ
كنتي بنيا قصر ك
م الحجارة
والحجارة للنهاردة
لسة شاهدة
انك اصل الوجود
اصلك يوم ما اتخلقتي
اتخلقتي للخلود
من زمان وانتي ماشية
والطبيعة تحت امرك
الخير جوه جوفك
ومن يشوفك
يسجد للخلقك

والكريم ابن الكريم
لما كان امين
فوق خازينك
حس بيكي
ورحب با اللي جايلك
ادخلوا مصر
ان شاء الله امنين
تلقوا فيها كل جود
اصلك يوم ما اتخلقتي
اتخلقتي للخلود

حول مباراة صعود مصر لكأس العالم

قبل المباراة

لما كاس الدنيا يبقي جنبك
مد ايديك .. اشرب واسقي اهلك
حقق حلمهم . اللي هو حلمك
لما تنزل ارض الملعب
خلي الرجولة طبعك
التهاون مش لصا لحك
خلي التسعين مليون ف قلبك
فرحهم .. خلي الليلة فرحك
دا الايام دي ذكرى نصر

بعد المباراة مباشرة

شفت الارض بترقص

والاولاد طالعة بتهتف

مصر..مصر

هتاف من جوه القلب

لا عايزة منصب ولا عايزة قصر

ياريت اللحظة تهدي

ويفضل دا حالنا يا مصر

بعد المباشرة بساعه

لما تيجي فرحة وسط خنقة

تفك زنقة

وتقلع شجرة مستحيل

تطلع م القلب ضحكة

زي طلقة

تنور السكة وتكون دليل

بتكلمني

بتكلمني ..

انا مش سامعك

ماهو من كتر

التلوين ف كلامك

ما اقدرش اطوعك

امبارح كنت يمين

النها رده

مش عارف مع مين

انا مش سا معك

ولا ماشي ف جنبك

انا زمني خلاص فات

وانت لسا ك
بتحسس ف الخطوات
لا احلا مي تشبه احلامك
ولا افكاري تشبه افكارك
حتي دمعي غير دمك
انا مش سا معك
لو ترجع تاني ف قلبي
وانا يرجع لي
مكاني ف قلبك
والارض اللي تشيلني
تشيلك
ومصيري يبقي مصيرك
سا عتها ما اقدرش الوعك
ولا اقولك انيحيا الوفد

يحيا الوفد

يحيا الوفد...يحيا الوفد

اصل الوفد هم الحكام

يعني لوانا با احكم مصر يا صاحبي

وانت حبيبي وصاحبي

يبقي الحكم في ايدك

زبي تمام

هو نظام

مربوط كام عقدة علينا

راح زيد جانا عبيد

هو الحال ومفهيش جديد

يعني تبطل رغي

وسبني في حالي
رأيي لنفسي
يعني با اسمي
وانت المشغول با الطلبة
في ايدك
تبسط سيدك
ارجوك سبني انا
انا عمري ما كنت
ولا عمري ها اكون م الحكام
انا واحد مشغول بكلامي
يبسط ناس
يتعب ناس
اقسم لك
خارج مني با احساس

تتا تيش كلام

بعض الكلام تناتيش

لا بيغني من جوع

ولا بينبت ريش

والامة اللي بتقسم ناسها

ازاي هتعيش

وولادها ناصبين الذكر

في محرابها

وعلي بابها

المولد مليا ن درا ويش

سيوفهم مكسورة

ملفوفة بخرقة قديمة

وهدومهم
مليانة بزينة
كام سبحة
علي حنة خيش
تناتيش .. تناتيش
تنا تيش الكلام
تكسر عود الكلام
وتموت الفكرة جواه
تنا تيش الكلام
تمنع الري عن بكرة
وتزرع في القلوب اه
دراويش الكلام
علي موائد اللنام
بتطرح سموم

وشلال الهموم
يجر الغلابة
ويعلي صوت الديابة
تبات المدينة حزينة
لكن نورها ما ينطفئش
حتي لو كل الكلام تناتيش

إسمك علي كفي

كاتب اسمك

علي كفي

راسم صورتك

علي صدري

واخذ كل اللي بيحبك

هنا في حضني

نيلك دمي

في شراييني

طينك اصل تكويني

لكن بيا لمني

ناس منك بتاذيني

وان قلت اه
تخلع كل صفاتي
وتطعن حتي
في اصول ديني
وترميني في متاها
سكة الشك تاخذ مداها
وتأذ يكي وتأذيني
وانا ابنك
ما ليش غير
حضنك يديني
في الشدة
با اكون جنبك
وساعات في الضحكة
بتنسيني

لكن يريحني
لما الهم يغلبني
شمسك تصحيني
انا ابنك
ما ليش غير
حضنك يدفيني

لما وقعت الكلمة

لما الكلمة

وقعت من ع السطر اتكسرت

كل الحروف اتبعثرت

واحلامنا علي صفحة الميدان

تاھت واتبخرت

حتي الحلم

اللي كان عايش من زمان

رغم عشقه للسكات

طق مات

اصلھ كان فاكّر

ان الحروف دي بتكتبه

والكلمة لما تكمل
راح تبقي كلمته
لكن لما فاق من غفلته
وعرف ان السكة
مش سكته
ولا حتي الدنيا دي
دنيته
والكلمة اللي كانت
حتفوقه ...وتروقه
اتكسرت....وحروفها اتفرقوا
رغم وجودهم ف السفينة
بس بعا د عن اي مينا
والحيتان شيفاهم وليمة
وصاحب الدعوة منا فينا

اللي بيتا جر ف قوتنا
واللي بيتاجر بموتنا
واللي ارضه بتطرح سم هاري
وطالع ف العلامي
دايس فوق رقابنا
رغم ان الخالق
اللي اراد وجودنا
حط منهج لصلب عودنا
بس احنا سبناه
وعدنا
عدنا للشيطان اللي مواعدنا
دائما نروحله ف الميعاد
والولاد.
الولاد تاهوا في الطريق

اللي بيخبط في الشوارع
واللي نازل ف الغريق
والنصيحة اللي جاية
مش جاية من صديق
جاية من واحد اسمه ناشط
عقله شاطط
ولا من خبير
لقيناه م البخت في الطريق
عا مل نفسه بحر علم
وهو في الجهل مليون غريق
و الاكادة ..
البلادة اللي طرحت في العقول
كل واحد قاعد جوه قصره
محوطه بالف سور

وكاتب ممنوع الد خول
لو يسيب الباب موارد
ولا شراعة تدخله نور
سا عتها يرجع الكلام
فوق السطور

ياسنة وهلا علينا

يا سنة وهلا علينا

نفسى توري عينا

انك جايلنا

مش جاية علينا

نفسى تخشى هدومك

عشا ع افرح بقدومك

ولا اقولشي

يلا اوام فارقيننا

انا اصلي فرحت باختك

واهي جت يا اختي وعدت

وسا بتلي الارض حزينة

لو كانت وقفت هدت

ومامشيتشي ورا بتوع الزينة

كانت الطبلّة انكسرت

والخير هل علينا

يارب تكوني غيرها

لجل ما اقولشي اوام

فارقين

تهتز الأرض

تهتز الارض

يتفجر الكون كله بركان

يتولد انسان

يتولد معني

يجمعنا

يطلعنا من التوة

يرجعنا لسكتنا

نعرف القيمة في امتنا

وقيمتنا المذكورة في القرآن

نرجعها

برجوعنا للايمان

ساعتها
ما حدش يخدعنا
ولا يقلعنا
ولا نبقي كرة في الاقدام
وخطوتنا دائما تبقي لقدام

رسالة من شهيد

ما تقولوش مسلمين

الا بالسة ما لهومش دين

واللي راسم الخطه

شيطان رجيم كداب

ملعون في كل كتاب

طالع في دور صالح

واللي طارح

في القلب فكر عقيم

زرعه اسياده

وعباداه

فرشينله سجاده

كأنه سلطان عظيم
عاش في توه
والنزع وخداه
كانه شريك في ملك الله
لكن وعهد الله
ليوم يجيني يبوس ايدي
ويقول سا محني يا سيدي
لكن سا عتها
جهنم هي مثواه

محتوى الكتاب

م	المحتوى	الصفحة
1	بطاقة الكتاب	2
2	الإهداء	3
3	وحلمت خير	4
4	أمى	7
5	لو تزرع فى الأرض أساسك	11
6	يوم ويوم	13
7	ورسمتك	14
8	لو مات الحلم	15
9	إمسك قلم	16
10	أنا إنسان	17
11	فريدة	18
12	محمد حبيبى	19

20	عبوده	13
21	هنا	14
22	لو فضلت الصمت	15
23	لملموا كل الكلام	16
25	الفكر الضال	17
26	جرح جديد	18
28	هس ... سمع	19
30	مانشيت	20
31	إلعب فى المضمون	21
32	خذاها صورة	22
34	وحدوا الله	23
36	الإنسان	24
38	لو حاتسكت	25
40	شمس بكره	26
41	حبة سكات	27

43	دم غالى	28
45	الحلم فى أوله	29
47	العطاء	30
49	سلفنى ثلاثة جنيه	31
50	حوارى .. وأزقه	32
51	الدليل	33
52	إنت زعلت	34
54	دعوة للحب	35
55	لو دخلت جواك وطلعت	36
56	الناس فى الزمن الصعب	37
57	يا حلم ليه بعدك	38
59	إنسان	39
60	صابر	40
61	الشهيد	41
63	عناد قلم	42

65	مصر	43
67	لما كانت ساكته مصر	44
71	حول مباراة صعود مصر لكأس العالم	45
74	بتكلمنى	46
76	يحيا الوفد	47
78	تناتيش كلام	48
81	إسمك على كفى	49
84	تهتز الأرض	50
86	لما وقعت الكلمة	51
91	يا سنه وهلا علينا	52
93	رسالة من شهيد	53
95	محتوى الكتاب	#